



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Pacis Westphalicæ Publica

Oder Westphälische Friedens-Handlungen und Geschichte

Worinnen enthalten, was vom Anfang des Jahrs 1647. biß gegen Ende desselben zwischen Jhro Römisch-Kayserlichen Majestät, dann den Beyden Cronen Franckreich und Schweden, ingleichen des Heiligen Römischen Reichs Chur-Fürsten, Fürsten und Ständen, zu Oßnabrück und Münster gehandelt worden

Meiern, Johann Gottfried von

Hannover, 1735

VD18 90566467

N.II. Eorundem Declaratio in puncto Satisfactionis Hassiacæ.

[urn:nbn:de:hbz:466:1-52129](https://nbn-resolving.org/urn:nbn:de:hbz:466:1-52129)

1647.
Febr.

N. II.

1647.
Febr.

Legatorum Cæsareanorum Declaratio erga Legationem Svecicam, ad Ejus Propositionem, 17. Novembr. Anno 1646. exhibitam, in puncto Satisfactionis Hassö-Cassellanae.

Cum Legatio Suedica, cæteris suis Satisfactionis Postulatis, Sacræ Cæsareæ Majestatis Legatis & Plenipotentariis 17. Novembris, Anno superiore exhibitis, subjunxerit, ut Illustrissimæ Landgraviæ Hassö-Cassellanae quoque satisfieret, juxta petitiones in propria scriptura ibidem expositas, dicti Legati Cæsarei, ut mentem suam super his, Legationi prædictæ aperiant, re bene expensa, animadverterunt, duplicis generis esse, quæ ibi petuntur: *ALIA* enim de *Imperatoris* duntaxat officio, autoritate & potestate dependent: *ALIA* vero *diversos S. Imperii Principes & Status*, tam Ecclesiasticos quam Seculares, singulatim concernunt.

I. *Prioris* generis sunt, quæ Art. 1. & 3. postulatur, scil. 1) *Amnestia* Universalis 2) *Cassatio omnium Decretorum*, Mandatorum, Executionum, Pactionum, Transactionum, usque ad initium Belli Bohemici. 3) *Abbatia Hirsfeldensis*, non obstante cessione, pactione aut donatione alteri facta; 4) *Manutentio juxta Pacem Religionis* cum approbatione Novæ per Hassiam introductæ Confessionis; 5) *Confirmatio Confraternitatum*.

1) Dicunt igitur Imperatoris Legati, ad *Primum* Postulatum, quod Sacra Cæsarea Majestas dictæ Landgraviæ totique Domui, tum etiam omnibus & singulis ejusdem Vasallis, Subditis, Præfectis, Officialibus, Militibus, Consiliariis, Ministris omnibusque aliis, qui tam bello quam aliter, quomodo-ocunque intervenerunt aut adhæserunt, plenam injuriarum omnium, tam realium quam verbalium, oblivionem concedat, ita, ut juxta Edictum Amnestiæ in Comitibus Ratisbonensibus Anno 1641. publicatum, & durantibus hisce Tractatibus renovatum, plenoque vigore permittum, ad ditiones terrasque suas & bona, tam quoad Ecclesiastica quam quoad Politica, omniaque inde dependentia, sive allodialia sive feudalia sint, plenissimo jure restituantur, & cum omnibus dignitatibus, honoribus, immunitatibus, juribus, actionibus, oneribus, activis & passivis, in eum prorsus statum collocentur, quo antehac, scilicet Anno 1624. quacunque anni parte fuerunt; dummodo dicta Domus Hassö-Cassellana, & dicta Landgravia Sacræ Cæsareæ Majestati debitam obedientiam & fidelitatem præstet, Eidem Ejusque Domui Austriacæ, cæterisque Imperii Statibus & Ordinibus utriusque Religionis, ea omnia restituantur, quæ durante hoc bello, per militiam Hassö-Cassellanam eisdem erepta & occupata sunt, nulla reservatione, limitatione, vel exceptione negotiorum vel personarum in contrarium, vel obstante actione valitura, nullisque obstantibus Repressaliis, Confiscationibus, Proscriptionibus, Rebus Judicatis, Transactionibus, atque aliis actibus præteritis, qui quidem occasione præsentis belli intercesserunt.

2) Ad *Secundum* dicunt, Domui Cassellanae præcedenti concessione satis superque cautum, nec eam salva justitia à Cæsarea Majestate aut reverentia, quam Domus Cassellana Eidem debet, latius extendi posse.

3) Ad *Tertium*, permittit Imperator, ut Abbatia Hirsfeldensis apud domum Hassö-Cassellanam permaneat, conditionibus infra dicendis.

4) Ad *Quartum*, admittit pariter eandem in participationem Pacis Religiosæ Anno 1555. erectæ, novæque in præsentis Congressu desuper erigendæ
Con

1647. Conventionis & declarationis, cum omnibus Immunitatibus, Juribus, Pri- 1647.
Febr. vilegiis & gratiis, inde cæteris quoque Imperii Ordinibus competentibus. Febr.

5) Ad quintum, confirmabit Imperator Confraternitatem & Unionem inter Domum Saxonicam & Hassicam, tum & Brandenburgicam, nec non Pacta Primogenituræ, & quæ cum Domo Hanovica inita dicuntur: modo Sacra Cæsarea Majestas de Interessatorum consensu cum debita reverentia hoc nomine adeatur.

II. Quæ deinde Postulata, ad res & controversias Domus Cassellanae cum singularibus Imperii Principibus & Statibus intercedentes, pertinent; Cæsareani declarant, circa causam *Successionis Marburgensis & Comitum Waldecensium*, Cæsaream Majestatem, jus Partibus, Sententiis publicè latis ac juratis Transactionibus acquisitum, absque manifesta justitiæ læsione, nec auferre, nec etiam quidquam nisi de Partium libero consensu, statuere posse. Si tamen ad condiciones hoc nomine seorsim propositas in amicabilem cum Darmstadinis transire velint Transactionem Castellani, non gravabuntur Cæsareani, boni publici & amicitiae inter utramque Domum reconciliandæ causa, etiam suas interponere partes. Quod vero ad terras & pecunias, quas à Dominis Electoribus Moguntino & Colonensi; itemque Abbate Fuldenfi sibi cedi postulat Domus Cassellana; cum hujusmodi postulationes nullo plane jure nitantur, & Amnestiæ inter universos Imperii Ordines sancitæ, imo Paci Religiosæ Anno 1555. erectæ (in cujus participationem Domus Cassellana suscipi postulat) è diametro contrariæ sint; ideo Cæsarea Majestas reclamantibus dictis Dominis Electoribus & Principibus, nulla ratione consentire potest, ut ejusmodi terræ ulterius, quocunque tandem modo, detineantur, multo vero minus, ut perpetua alienatio in Domum Cassellanam transferatur.

Si tamen Domus Cassellana, prout justitia requirit, terras in quinto Articulo enumeratas, suis pristinis possessoribus restituat; Imperator permittit, ut dicta Domus supradictam Abbatiam Hirsfeldensem, salvis iis, quæ in compositione Gravaminum de ejusmodi bonis Ecclesiasticis convenientur (quævis alias Domus Hasso-Cassellana non plus juris, quam Domus Darmstadi- na aut quivis alius Augustanæ Confessionis Status in eam habet) sibi retineat, cum omnibus appertinentiis, in perpetuum.

Præterea permittit Imperator de consensu eorum, quorum interest, ut jura, quæ ratione Directi Domini in quasdam Comitatus Schaumburgensis Præfecturas, nimirum Rotenburg, Arnsburg & Hagenburg, Episcopatus Mindanus habet, transeant per cessionem in Domum Cassellanam. Denique etsi militi Hasso-Cassellano plane nulla debeat satisfactio, quin imo eo nomine Statibus per Westphaliam, præfidiis talibus oppressis, justa repetundarum actio competeret; tamen Imperator consentit, ut pro meliori pacis publicæ stabilimento, Landgraviæ pro omnibus reliquis prætensionibus ex locis contributioni ejus suppositis, semel pro semper pendantur ducenta thalerorum Imperialium millia, tempore, loco, modis & conditionibus desuper conveniendis. Datum Osnabruck, d. 26. Februarii 1647.

§. III.

So waren auch die Hessen-Cassel- chen geschehenen Declaration ebenfalls
Die Cassel- sche Gesandten mit dieser der Kayserlis keinesweges zufrieden, sondern beharreten
Antwort. Bierdter Theil. h h auf